

YÜNGA NGÜ 46

1. Yesu koro kta gbu nguwa deyi?

-Gbu nguwa wu Abraham, Isaac ake Jacob.

2. Yesu kor ta gbu nguwa mere miri deyi?

-Gbu nguwa miri David.

3. Gbu iri Yesu de “Christo” ne baye?

-Me tima ta Yesu de amgbu de mere Nebi te ena amal ta wu chegboro ngu.

-Me tima ta Yesu de amgbu de mere Nebi te ena amal ta wu chegboro ngu.

-Me tima ta Yesu de ungu mgbu de mere wu Pastor te ena ato ta wu chegboro wu e.

-Me tima ta Yesu de ungu mgbu de me re wu miri te ena amgbu dea de miri fi bedi.

4. Ta te Maria mgbu de bu ye ne, Yosefa fi ta ga ne?

-Yosefa fi ta ga Maria mgbu eyi ake gara komoko.

5. Maria mgbu ta eyi ake gara komoko?

-Abala de.

6. Enga Maria mala ta ye kaye?

-Maria maka ta ye ka me de njila kuru.

7. Malayika mala ta fu Yosefa gbu roto ga ne?

-Malayika mala ta ga Maria maka ye la ka me di njila kuru.

8. Gbu iri de “Emmanuel” ne ga ne?

-Gbu iri de “Emmanuel” ne ga me di deni.

9. Wu ei ta iri Yesu “Emmanuel ne te ngu ne?

-Te ngu Yesu ta de me de muru kuwu te egoro ta teka amgbu de wu kpara ne.

-Ta te lo ra koro fu Maria ayaka ne, abi ta ye komoko.

-Maria yaka ta ye komoko, fa ai ungu agbu bongo, fu ungu ta a ö ungu agbu e te wu nu ezu e gbugbu tengu gara su ta fu uwu ma.

-Fu wu Maria ake Yosefa ta ai iri mbarese ma'da de Yesu.

-Te Yesu ta de me muru kuwa ne, wu ö ta ungu agbu e ta te wu nu ezu e gbugbu.

-Wu yaka ta Yesu gbu to deyi?

-Agbu to kawu Israel.

-Wu yaka ta Yesu gbu su deyi?

-Agbu su ka Bethlehem.

-Wu yaka ta Yesu de a kuwa ni ka wu siti ngu.

-Wu yaka ta Yesu de ungu kuwa ni ka kpi.

-Wu yaka ta Yesu de ungu kuwa ni ka Satana.

-Me tima ta Yesu teka akuwa ni bu kaka ta te ungu mala fu wu Nebi gugu ne.

-Bu baka ta te Me mala fu wu Nebi ta gugu ne, atima ta yesu de wu yaka ungu fu koto.

-Bu baka eta te me mala fu wu Nebi ta gugu ne, wu yaka ta Yesu gbu su ka Bethlehem.

-Ta te wu yaka Yesu agbu Bethlehem ne, fu wu kpara ka wu ngu ta akoro agu to ka Herusalem.

Ni Tanga La Matayo 2:1-2

1-Fu tanga ta te wu yaka Yesu agbu Bethlehem agbu Judea ne, ö Herod ta miri ne, wu kpara ka wu ngu koro ta to kpafu gö akoro agbu Jerusalem

2-fu uwu ayi ta gu ga, “kpara te wu yaka ungu ba miri ka wu Jew ne ne kaye? Achika kufara kaka kpafu gö akoro teka a tö gbo

nga e fefe.”

-Wu kpara ka wu ngu egiri ta neda?

-Wu giri ta Yesu te uwu i ta ungu de miri ka wu Jew ne.

-Te miri Herod je ta ga wu kpara ka wu ngu egiri ta miri ne, fu su ta asiti ekuti Herod.

Ni Tanga La Matayo 2:3

3-Te miri Herod je ta ngula ne, fu su ta asiti kukute, de wu kpara ka Jerusalem ‘buru.

-Su siti ta ekute Herod ne ka ne?

-Miri Herod ekpe ta churu ga miri te wu kpara ka wungu egiri ungu ne en aza ta su ka ni.

-Ka ete su siti ta ekute Herod ne, fu ungu ta a i wu chogboro kpara Pastor de wu kpara te uwu egu temu ngu ‘buru abiti.

Ni Tanga La Matayo 2:4-6

4-Te miri Herod i ta wu chogboro wu Pastor de wu kpara te uwu egu tamu riri eyi ne, fu unga ta a yita uwu teka su te uwu ena ayaka ta Christo tete ne.

5-“Gbu Bethlehem agbu Judah,” fu uwu ta amala lugu, “Dela ngu ta te Nebi ba ne:

6-‘Deyi, Bethlehem, gbu to ka Judah yi de wu adu wu kpara agbu Judah de; miri ena akoro etu ye te ungu ena cheka nga wu kabiliki kara wu Israel”’.

-Miri Herod yita wu chogboro Pastor de wu kpara te uwu egu tamu wi riri ne ga ne?

-Ayi ta uwu ga wu yaka Christo miri ka wu Jew ne ta kaye?

-Wu chogboro wu Pastor de wu kpara te uwu egu tamu riri ne mala lugu ta ga ne?

-Fu uwu ta amala fefe ga wuma yaka ta ungu agbu Bethlehem.

-Wu chogboro wu Pastor dewu kpara ka wu ngu wu ta ngu la ne baye?

-Tengu wu tanga ta Biblia, ri ka me.

-Bu baka ta te me mala etu wu Nebi gugu ne, wu chogboro Pastor de wu kpara te wu ngu tamu ngu e tanga ta agbu kichikpa ka me ga wu na ayaka ta miri la agbu Bethlehem.

-Fu Herod ta atima wu kpara kauw ngu ta agbu Bethlehem teka agiri miri ma'da la.

Ni Tanga La Matayo 2:7-11

7-Fu Herod ta ai wu kpara ka wu ngu ne edere e te awu esaka uwu lo ra te kufara la koro tete.

8-Fa atima uwu agbu Bethlehem fa amala ga, “ye nu de yi giri jeji la mbi. Te yi maka ungu eyi la, de ye mala fere, teka de mal nu ato gbo nga e fefe.”

9-Fu tang ta te uwu je ngu te miri mala la eyi ne, fu uwu ta agura su, fu kufara ta te uwu cheka kpafu gö ne ta ati fu uwu engegira nu.

10-Te uwu cheka ta kufara la ne, fu su ta areke te uwu.

11-Te uwu koro ta kpa kiti ne, fu uwu ta a maka wu mbarese ake niye Maria, fu uwu ta ati koto a gbonga Me. Fu uwu ta a ü wu kombo ka uwu fu uwu akusa wu e de suka se wu ato fefe.

-E ta te wu kpara ka wu ngu mere ta ne e ne te uwu maka ta Yesu te uwu i unguga miri ka wu Yuda ne?

-Wu gbo ta nganga.

-Wu to ta kpa wu e fu fefe.

-Maguma me nju ta eyi te wu kpara ka wu ngu te uwu gbo nga Yesu ne?

-Abala de.

-Maguma me nju ta te wu kpara ka wu ngu te uwu gbo ta nga Yesu ne de ne ka ne?

-Ka e te Yesu di de me ne.

-Yesu ta de zu me de zu Mundü.

-Wu kpara ka wu ngu du ta eyi to gbu Jerusalem teka aro mo ake Herod?

Ni Tanga La Matayo 2:12

12-Wu mala ta fu uwu agbu roto ga wu ya adu to fu Herod de, (wu kpara ka wu ngu) fu uwu ta adu fu gara kaji agba uwu.

-Me mala ta fu wu kpara ka wu ngu ga wu ta eya adu to agbu Jerusalem aro mo ake miri Herod de.

-Fu wu kpara ka wu ngu ta aza gara kaje teka adu agba uwu.

-Fu tanga ta te uw kpara ka wu ungu du eyi ne, fu me ta aro mo fu Yosefa.

Ni Tanga La Matayo 2:13-15

13-Fu tanga uwu, fu Malayika ka me ta agu tamu ye fu Yosefa agbu roto. “Yeya” fa ta amala ga, “mu za mbarese ake ni ye de yi kpe agbu Egypt, de yi mgbu kpala gi te mana amala fu mu, tengu Herod eyi eza agiri mbarese la teka amoro ungu.”

14-Fu ungu ta aya, aza mbarese ake ni ye gbu biti fu uwu agurusu agbu Egypt,

15-fu uwu ta amgbu kpala gi te Herod kpe tete. Fu ngu ta te wu Nebi mala ne ta akoro fanu: “ma i ta ye ra agbu Egypt.”

-Malayika ka me mala ta fu Yosefa gbu roto ga ne?

-De aza ta maria ake Yesu sidi.

-To ta te Malayika mala fu Yosefa ga a amu de uwu Maria ake Yesu ne ta tö deyi?

-Egypt.

-Ta te Yosefa zuku ne, fu ungu ta aza wu Maria ake Yesu amu de uwu agbu Egypt.

-Bu baka ta te me mala fu wu Nebi gugu ne, wu za ta Yesu amu de ungu agu Egypt.

-Yosefa nu ta de Yesu agbu Egypt ne kane?

-Ka ete miri Herod le ta amoro Yesu ne.

-Miri Herod le ta amoro Yesu tengu Ne?

-Ka ete miri Herod le ta de gara miri za su kani de.

-Kpara ta te to finga ngu fu Herod de amoro Yesu ta de da?

-Satana.

-Satana le ta amoro Yesu tenga ne?

-Ka ete Satana le ta de Yesu kuwa wu kpara ka wu sitingu.

-Ka ete Satana le ta de Yesu kuwa wu kpara ka kpi de.

-Ka ete Satana le ta de Yesu kuwa wu kpara ka wazi Satana de.

-A ban:

-Te kpara ta de wu kpara ka tima gbe la, a ti eyi a che de gara kpara za bete wu kpra ka tima kaye?

-Abala de.

-Te muru ru dide wu kpara ka tima gbe la, ati eyi ache de gara kpara koro aza bete uwu esuka uwu?

-Abala de.

-Bu baka e te muru wu kpara ka tima ake Doctor le de wu za wu kpara ka tima kaye de ne, Satana le kpa de wu za wu kpara ka tima kaye de.

-Dela si ngu ta te Satana le amoro Yesu tete ne.

-Satana le de wu za wu kpara ka tima kaye de.

-Ta te wu kparea ka wu ngu du tato agbu Jerusalem teka amala ngu fu miri herod de ne, e ta te miri Herod mere ne ene?

Ni Tanga La Matayo 2:16-18

16-Te Herod wu ta ga wu kpara ka wu ngu fiti ni eyi ne, fu mama guma na ta anju, fa ta atima de wu moro wu ye komoko te wu di dere wu ‘bosu okor kōto Bethlehem ‘buru sidi, de lo ra ta te wu kpara ka wu ngu koro ta tete ne.

17-Fu ngu ta te Nebi Yeremaih ta akoro fanu:

18-“Wu je ta ri wu kpara de aku wiwi agbu Ramah, rere de gba, Rache eku ta gba teka wu jeji kaye ale ta de wu mala ngu fini de ka ete wu jeji kaka ta eyi ma.”

-Meri Herod mala ta ga wu moro ta wu jeji komoko de re uwu ‘bosu adu koto agbu Bethlehem ‘buru.

-Satana wu ta kpo ga me ena atima ta muru kuwa fu kōtō.

-Satana wu ta kpo ga muru kuwa la ena akoro ta aza esaka ni.

-Fu Satana ta ale amoro Yesu.

-Fu Satana amala ta fu miru Herod de ungu moro Yesu.

-Me de wo banda ta Yesu eyi?

-Wayi.

-Me de wo banda ta Yesu de a kuwa wu kpara ka wazi siti ngu.

-Tengu me tima ta Yesu de akuwa wu kpara ka wazi kpi.

-Tengu me tima ta Yesu de ungu kuwa wu kpara ka Satana.

-Me ti ta eyi abanda Yesu?

-Wayi.

-Miri Herod moro ta Yesu eyi?

-Abala de.

-Ta te Herod kpi eyi ne, fu me ta kpa atima Malayika kaye amala ngu fu Yosefa.

Ni Tanga La Matayo 2:19-20

19-Fu tanga ta te Herod kpi ne, fu malayika me ta akoro fu Yosefa agbu roto agbu Egypt

20-fa amala ga, “yeye, de mu za mbarese ake niyi, de mu nu agbu tö ka Israel, tengu wu kpara ta te uwu le amoro ungu ne, kpi eyi.”

-Malayika mala ta fu Yosefa ga ne?

-Malayika mala ta fu Yosefa ga Herod kpi eyi.

-Malayika mala ta kpa fu Yosefa ga a za Maria ake Yesu anu de uwu agbu tö ka Israel.

-Fu Yosefa ta aje ngu te Malayika mala fefe ne, fa ta aa wu Maria ake Yesu fu uwu adu agbu tö ka Israel.

Ni Tanga La Matayo 2:21-23

21-Fu ungu ta aya aza mbarese ake Niye, fu uwu ta adu agbu to ka Israel.

22-Te ungu je ta a Archelaus miri maye fu tanga wayi Herod ne, fu churu ta amere ungu de anu kpala, ka eta te uwu mala ta eyi fefe gbu roto ne, fu ungu ta anu agu Galilee,

23-fu ungu ta anu amgbu agbu Nazareth ne. Ngu ta te Nebi mala ne koro ta eyi fanu: “Wu na i ungu ta de kpara ka Nazareth.”

-Wu Yosefa, Maria ake Yesu du ta agbu tö ka Israel.

-Yosefa nu ta de wu Maria ake Yesu gbu su deyi agbu Israel?

-Agbu Nazareth.

-Bu baka ta te me mala fu wu Nebi gugu ne, Yesu mgbu ta agbu nazareth.

-Ngu te me mala eyi la, ungu che de amere nda de.

-Me emere wu ngu ‘buru te ungu emala.